



Broj: 01/2-02-852/21
Datum: 22.07.2021.godine

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), Pravilnika o planiranju nabavki, provođenju postupaka javnih nabavki i izvršenju ugovora („Službeni glasnik Općine Visoko”, broj: 01/19), otvorenog postupka javne nabavke za „Investiciono i tekuće održavanje vertikalne, horizontalne signalizacije i saobraćajne opreme“ pokrenutog Odlukom broj: 01/2-02-400/21 od 17.05.2021. godine i objavljenog na Portalu javnih nabavki Obavještenjem o nabavci broj: 870-1-1-10-3-27/21 dana 18.05.2021. godine, donosim:

ODLUKU **o izboru najpovoljnijeg ponuđača**

I

Komisija je konstatovala da su ponude ponuđača „BULJAN CESTE“ d.o.o. Kreševo, „Mušibegović gradnja“ d.o.o. Visoko i Sacom d.o.o. Sarajevo dostavljene u skladu sa tenderskom dokumentacijom.

U skladu sa navedenim, provedenom e-aukcijom i kriterijem za dodjelu ugovora, najpovoljnijim ponuđačem proglašava se:

Mušibegović gradnja“ d.o.o. Visoko
(sa cijenom ponude u iznosu od 100.680,00 KM bez PDV-a)

II

Izabrani ponuđač obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji.

Izabrani ponuđač nije obavezan dostaviti dokaz iz tačke 12.1. a) (ekonomska i finansijska sposobnost) Tenderske dokumentacije obzirom da je u okviru ponude dostavio ovjerenu kopiju potvrde poslovne banke da bankovni račun ponuđača nije bio u blokadi u prethodnih 6 (šest) mjeseci računajući od momenta izdavanja potvrde.

III

Po sticanju uslova za zaključenje okvirnog sporazuma, ugovorni organ će pozvati izabranog ponuđača radi zaključenja okvirnog sporazuma u skladu sa zahtjevima-uslovima ugovornog organa navedenim u otvorenom postupku.

IV

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za nabavku roba Investiciono i tekuće održavanje vertikalne, horizontalne signalizacije i saobraćajne opreme, Odlukom o pokretanju postupka broj: 01/2-02-400/21 od 17.05.2021.god.

Postupak je objavljen na web stranici javnih nabavki Obavještenjem o nabavci broj: 870-1-1-10-3-27/21 dana 18.05.2021.godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/2-02-410/21 od 24.05.2021.godine, u sastavu:

1. Seid Burić, predsjedavajući
2. Aida Alibegović, član
3. Mirha Šehović, član
4. Adi Pašalić, sekretar

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

U roku za dostavljanje ponuda 07.06.2021.god. (ponedjeljak) do 14:00 sati dostavljene su ponude sljedećih ponuđača:

1. BULJAN CESTE D.O.O. KREŠEVO
2. MUŠINBEGOVIĆ GRADNJA D.O.O. VISOKO
3. SACOM D.O.O. SARAJEVO

Dana 07.06.2021.god. (ponedjeljak) u 14:15 sati Komisija se sastala i pristupila otvaranju pristiglih ponuda. Na otvaranju ponuda prisustvovala je predstavnica ponuđača MUŠINBEGOVIĆ GRADNJA D.O.O. VISOKO.

Predsjednik Komisije je pročitao cijene svih ponuda pojedinačno i to:

Red. Br.	Ponuđač	Ukupna cijena KM bez PDV-a	Popust (KM bez PDV-a)
1.	BULJAN CESTE D.O.O. KREŠEVO	128.040,00 KM	/
2.	MUŠINBEGOVIĆ GRADNJA D.O.O. VISOKO	100.680,00 KM	/
3.	SACOM D.O.O. SARAJEVO	130.830,00 KM	/

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14).

Komisija je prilikom evaluacije ponuda konstantovala sljedeće:

Ponuda ponuđača BULJAN CESTE D.O.O. KREŠEVO je blagovremena, računski tačna i dostavljena u skladu sa uslovima iz Tenderske dokumentacije. Ponuđač u okviru ponude nije dostavio dodatnu dokumentaciju iz člana 45. Zakona o javnim nabavkama („Službeni glasnik BiH”, broj: 39/14), a dostavio je običnu kopiju potvrde poslovne banke da bankovni račun ponuđača nije bio u blokadi u prethodnih 6 (šest) mjeseci, računajući od momenta izdavanja potvrde, a prema tački 12.1. ekonomska i finansijska sposobnost. Ponuđač se nije izjasnio da li uživa ili ne uživa preferencijalni tretman domaćeg obzirom da u tački 4. obrasca za dostavljanje ponude nije zaokružio tačku (a) ili tačku (b).

Ponuda ponuđača MUŠINBEGOVIĆ GRADNJA D.O.O. VISOKO je blagovremena, računski tačna i dostavljena u skladu sa uslovima iz Tenderske dokumentacije. Ponuđač u okviru ponude nije dostavio dodatnu dokumentaciju iz člana 45. Zakona o javnim nabavkama („Službeni glasnik BiH”, broj: 39/14), a dostavio je ovjerenu kopiju potvrde poslovne banke da bankovni račun ponuđača nije bio u blokadi u

prethodnih 6 (šest) mjeseci, računajući od momenta izdavanja potvrde, a prema tački 12.1. ekonomska i finansijska sposobnost. Ponuđač uživa preferencijalni tretman domaćeg.

Ponuda ponuđača SACOM D.O.O. SARAJEVO je blagovremena, računski tačna i dostavljena u skladu sa uslovima iz Tenderske dokumentacije. Ponuđač u okviru ponude nije dostavio dodatnu dokumentaciju iz člana 45. Zakona o javnim nabavkama ("Službeni glasnik BiH", broj: 39/14), a dostavio je ovjerenu kopiju potvrde poslovne banke da bankovni račun ponuđača nije bio u blokadi u prethodnih 6 (šest) mjeseci, računajući od momenta izdavanja potvrde, a prema tački 12.1. ekonomska i finansijska sposobnost. Ponuđač uživa preferencijalni tretman domaćeg.

U skladu sa navedenim Komisija je prihvatila sve ponude i sačinila slijedeću rang listu prije zakazivanja e-aukcije i to:

1. MUŠINBEGOVIĆ GRADNJA D.O.O. VISOKO sa cijenom ponude od 100.680,00 KM bez PDV-a.
2. BULJAN CESTE D.O.O. KREŠEVO sa cijenom ponude od 128.040,00 KM bez PDV-a.
3. SACOM D.O.O. SARAJEVO sa cijenom ponude od 130.830,00 KM bez PDV-a.

Ugovorni organ je zakazao e-aukciju za dan 08.07.2021.godine u 10:00 sati.

Komisija je konstatovala da je e-aukcija započela dana 08.07.2021. godine u 10:00 sati, a završila istog dana u 10:15 sati. Uvidom u navedeni Izvještaj Komisija je konstatovala da nije bilo promjene cijena, te da je najpovoljniji ponuđač Mušinbegović gradnja d.o.o. Visoko sa cijenom ponude u iznosu od 100.680,00 KM bez PDV-a i da ista ne prelazi procijenjenu vrijednost nabavke.

Komisija je predložila Ugovornom organu donošenje odluke o izboru najpovoljnijeg ponuđača Mušinbegović gradnja d.o.o. Visoko.

U skladu sa navedenim i prijedlogom komisije, odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Dostavljeno:

1. Buljan ceste d.o.o. Kreševo,
2. Mušinbegović gradnja d.o.o. Visoko,
3. SACOM d.o.o. Sarajevo,
4. Evidencija,
5. a/a.-



GRADONAČELNIK

mr. sc. Mirza Ganić, dipl. ing.